

馬石田先生集

馬石田先生集

石田先生文集卷第四

五言絕句

雪中登郡城西亭十首

躡雲上層臺娟娟撫脩林雜佩遺江妃遠響聽幽禽
澗谷垂寒藤冰光見魚影歲暮風雪交敲瓶煮茶茗
梅蕊發寒樹孤芳寄江沙忽得雲母屏光色陵歲華
燎桂熏我衣出逢歲寒友澗壑多出陰觴酒且擊缶
飛花墮橫塘鏡影照宮額天路韶華管吹香慰幽客
石路屐齒滑天風吹高寒花明喜珠綴竹瘦愁露漙
日讀種樹書自喜豐年瑞籃輿行田間相勞興嗣歲

石田先生文集卷四
一
兔跡行可尋馬力寒亦勁馳獵意已銷獨坐有嘯咏
楚甸無層冰霖霖土膏濕更憐三角湖澄澈瑩寒碧
濛濛醫江嶼艤舡夜問酒路逢白髮翁憔悴看魚笏
聞笛

昔在楚江上笛聲來夜舡江深魚龍動明月下高天
題崇屏隱士

採藥緣山去彈琴傍澗居隱君多道意曾得茂陵書
吊節婦

白日松臺闕青山石槲沉空餘哭夫淚下入九泉深

題四皓圖二首

不聽高皇召還來大子宮阿嬈人堪禍吾恨紫芝翁
鴻鵠歌雖壯長門事可憂間名紫芝客終不似巢由

蜀葵

風簾晝浮艷露庭曙含滋不見牧羝翁漢節空歲華
崢州判官王善父家望岳亭

眉目凜松桂肘腋凌烟霞終漸隱君子歸去西移家
僧院蜀葵

紫暈成丹景黃虵綴綠幢何曰女冠子却近老僧窓

間題樹葉上

秋意鳳城多涼飈柰夜何題詩滿霜葉不見洞庭波

題子昂承旨墨竹

汲澗思連筒發舡思長篙春雨簣簴孫會長拂雲梢

李夫人畫竹

夫人閨房秀手洒千畝雨不見蒼梧妃彈瑟瀟湘浦
馬戶

日午吹烟起人家半是農賣田當保馬無褐過三冬

桐江

青山圍縣郭碧樹出旗亭千里桐江水分明是醪醕

朝歌

霧黯山沉樹風號路起塵朝歌醉王死周室又歸秦

墨竹扇頭

冰紈已却暑况此碧琳琅好伴玉麈尾涼颼滿高堂

山水圖

石壁雲生樹濤江雨聞舡居人屬仙籍長負免丁錢

謝杏子

杏子黃金色筠籠出薊丘味甘醒午寢可是督詩郵

乞扇二首

端午蒲葵扇郎官寫贈人如何老供奉不得障清塵
紈扇裁團月當知織素人拓螢還有如障面却無塵

李陵臺二首

故國關河遠高臺日月荒頗聞蘇屬國海上牧羝羊
蹕林聞野祭漢室議門誅辛苦棲蘭將淒涼太史書
歐陽原功銘馮少府墓

古鼎刻龍文新銘少府君欲聞蒿里挽零露濕秋墳
畫鷹

側視窺霄漢低飛近草萊金韉時一脫肉飽更須回
題猿圖

江渚無來鴈山樊有宿猿秋高靈橘熟巴月樹連村

送客西歸

陸機初入洛王粲却歸秦春草無愁思楊花送遠人

偶成

山中木葉落江上水波生自是年年事漁樵不必驚

黃河

塵海東南下雲山西北高黃流蕩中瀉萬里費波濤

舟泊徐州

河發崑崙水天吹廣漠風徐州城下宿一日過淮東

真節馬氏

天上圓月對人間歡喜離千年哭夫處即是結褵時

節婦張氏

磨笄山月寒織素機石冷閨深鏡塵奩泉咽水結井

龍眠十六賢圖

林下石床方溪邊竹影涼高人千載意山水寄餘光

送邵從聖官臨淮四首

白髮滄洲叟今為漢戟郎逢君淮上去竚立看歸艎
素月生淮浦青山對縣門勸農明府在種樹長兒孫
春水淮魚美秋田楚稻香翰林多故事君莫棄書囊
少小淮邊住蟪蛄珠不易求因知新縣令齋馬問春疇

四愛圖 蘭蓮菊梅

湘纍能楚辭猗蘭為之佩千載得涪翁幽姿未憔悴
瑩霄中含滋鮮彩外發藻晚紅詠池酣晝鉛歆岸裊

的厯黃金華秋日媚堦徑南山種秫翁飲酒不得盡
鐵色僵萬木江南梅有花枯蘚纈古錦明英冠春葩

獨石

秋瀨喧石梁臨流不肯渡與客坐忘歸山寒日將暮

題王氏樓二首

岑樓臨曲水小檻背重城懶慢淮南客終湏掉臂行
乳燕穿花去倉鶯拂樹來淮天春又夏獨立意徘徊

七言絕句

節婦馬氏二首

織素鳴機曙未分寒風吹裂嫁時裙官家莫去催租賦

孀女無心刺綉文

老姑白髮垂肩短新婦青眉照鏡長
四十年来門戶好風流今見兩兒郎

楊妃墓

漢廟衣冠照碧燐唐陵翁仲作黃塵
馬嵬坡上棠梨樹猶占秦原幾日春

帥臣子劉宗道藏其父之詩請跋

將家子弟讀兵書欲斬樓蘭換印魚
獨有劉郎偏醞籍何翁詩句作儲胥

鎖院獨坐書事口號七首

松門行屋無人到恰似蓬舡泊浪中
午夜風聲敲雨點
夢回錯認是漁翁

玉署之西松幾樹那知當日是誰栽
若在山中濯雨霧
更有鶴巢無數未

蜀相功業少陵知萬古千秋更有誰
瀘水東流奏鳴咽
褒中春草亦離離

東山百尺瀑布泉跳珠濺玉鳴
夜弦綠樹冥冥
野花落
鶯啼春曙雨晴天

門前柳枝垂碧絲
閨中怨女惜春時
剪衣自縫寄征鴈
不對粧奩畫黛眉

洛陽酒債斗十千，高樓青旗真可憐。
牡丹芍藥趁時節，王孫買笑擲金錢。
吳娃梳粧趙女妬，楚王置酒章華臺。
走馬還宮張夜樂，誰知樂極却生哀。

南城二首

城南牡丹一百本，翰林學士走馬來。
渡水楊花逐飛燕，蘼中芳草送春迴。

栗侯亭前花一園，客來日日費金錢。
明朝碧樹春城合，恨不江東問酒舡。

與巖子山郎中時祈雨長春宮

中郎齋沐醮星官風馬雲車下石壇深衣步虛詞更響
要將靈雨濕春乾

題劉伯宣挽詩

楊子橋邊水正波
蘼蕪秋草徧陂陀
江潮日々風波急
似為孤臣賦九歌

送文璋甫入蜀省幕

蜀國海棠紅似錦
况在濯錦江水邊
見君西去飲君酒
恨無成都賣卜錢

慶陽

苜蓿春原塞馬肥
慶陽三月柳依依
行人來上臨川閣

讀盡碑詞野鳥飛

驪山三首

繡嶺春來綠樹圓東風吹影入溫泉
華清夢斷飛塵起玉鴈銜香墮野田

玉女泉邊翠藻多石池涵影媚宮娥
可怜繡嶺啼春鳥猶似黎園弟子歌

華陰道士長松下畱我煎茶看古碑
衣上征塵都莫洗天風一夜為君吹

洛中二首

龍門三月洛波清正是花時過故京
樽酒不來芳樹遠

碧雲初合暮山橫

東望梁園是故鄉
懷歸夜々夢池塘
春城碧樹淮南路
飲酒當年似漫郎

河湟書事二首

陰山鐵騎角弓長
間日原頭射白狼
青海無波春鴈下
草生磧裏見牛羊

波斯老賈度流沙
夜聽馳鈴識蹉跎
採玉河邊青石子
收來東國易桑麻

七夕舟中苦熱

嘗憶銀床桐泣露
更思玉枕蔗流漿
天孫初嫁龍綃薄